

影印
文淵閣

四庫全書

影印

文淵閣四庫全書

第一三二〇冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

西河集(一)

清毛奇齡撰……………一

欽定四庫全書

集部
西河集卷一至四

詳校官編修臣曹城

助教臣常循覆勘

總校官庶吉士臣倉聖脉

校對官檢討臣王坦修

謄錄監生臣張承恩

欽定四庫全書

集部七

西河集

別集類六

國朝

提要

臣等謹案西河集一百九十卷

國朝毛奇齡撰奇齡著述之富甲于近代沒後

其門人子姪編為西河合集分經集史集文

集雜著四部凡四百餘卷其史問以奇齡有

遺命不付剞劂語見經問第五卷景泰帝條

欽定四庫全書

西河集
提要

下餘亦不盡行於世此本為康熙庚子其門

人蔣樞所編但分經集文集二部經集凡五

十種已別著錄文集凡二百三十四卷而策

問一卷表一卷集課記一卷續哀江南賦一

卷擬廣博詞連珠詞一卷皆有錄無書其中

如王文成傳本二卷制科襍錄一卷後觀石

錄一卷越語肯綮錄一卷何御史孝子祠主

復位錄一卷湘湖水利志三卷蕭山縣志刊

誤三卷杭志三詰三誤辨一卷天問補注一

卷勝朝彤史拾遺記六卷武宗外紀一卷後

鑒錄七卷韻學要指十一卷詩話八卷詞話

二卷外附徐都講詩一卷本各自為書今析

出別著於錄其當編於集部者實文一百三

十卷詞七卷詩五十三卷統計一百九十卷

奇齡之文縱橫博辨傲睨一世與其經說相

表裏不古不今自成一格不可以繩尺求之

欽定四庫全書

西河集

然議論多所發明亦不可廢其詩又次於文

不免傷於猥雜而要亦我用我法不屑隨人

步趨固當以餘事觀之今亦並錄於末云乾

隆四十四年五月恭校上

總纂官_臣陸錫熊_臣孫士毅

總校官_臣陸費墀

欽定四庫全書

西河集卷一

翰林院檢討毛奇齡撰

頌

平滇頌_{有序}

自昔建武致治寵午奸兵貞觀昇平高羅畔命大抵

殷憂啓聖闕成成功雖極盛隆猶不乏潢池盜弄升

陵竊發之變獨是阿竿一倡亂而天雄成德綿蔓數

欽定四庫全書

西河集

世小波甫聚冠而應運化順環轉百出從未有鴟義

橋虔初逞叩焚犯顏逆節還擾江漢就其悖罔極之

僭據而一敗荆湘再釁澧岳繼殄黔蜀終絕昆詔數

年之間廢禍盡揃其教寧者定一若燭蓬沃炭颺奮

霆擊桓桓虬虎既迅且烈如今日者蓋

皇上神聖威武克詰無外四征之奮超于前古較之殷

宗之于鬼戎周季之于西落深入三載退修十禩尚

有餘勇是以

廟堂之算莫之在中而師武臣之力擴之在外雖曰

祖宗

社稷實式憑之要之

一人瞻言動在百里凡夫謚謀遽慮宵旰剴決真有非
子孫臣庶所易窺者蓋鑒之者宏而燭之者蚤也夫
逆之佐命非有呂散之舊也其乞援來歸又未嘗有
申包之泣溫生之痛也祇以嬖孽被畧倉皇奔救繼
竄狼顧計無所復遂假

欽定四庫全書

西河集
卷一

羽校以自資而僥倖成功苴茅滇土

寵畀親藩重緣外戚其為非分亦已久矣從來非分
之福居之不祥况復豺豕為心狼而易羸初藉林樾
以蚶蛭而既而私振其鬚鬣以為隴漢之得原可望
蜀九錫之進不止自鬯遂侈然自恣以致無所忌憚
外竊既久不受

中撤故量其不臣之心撤亦反不撤亦反撤之則反
速而患小不撤則反遲而患大患小則拔之如薜毫

而患大則撼之如丘山自然之理也故夫智者先事

而謀愚者昧時而動夫昧時而動則彼逆之所以失
者視此矣先事而謀則

我師之所以克者有在矣故夫小蠹初萌秦涼蠋應
及乎既煽甌粵蠶發卒之長轡遠控四收八伏

欽明萬幾潛授妙畧先埽雍益預定閩番然後謀力雲
會指麾風集并敵一嚮絕其瞻顧王敦買武昌之形

漢宏失荆南之勝洞庭既破則三苗南竄劔門大入

欽定四庫全書

西河集
卷一

而劉闢授首外有脣破齒缺之慮內有燔灰冰泮之
戚然且挺走苴蘭徘徊蒙氏越碧鷄之關閉昆明之
堞魚遊沸釜燕息捲幕一旦鉤援四接臨衝徐起揚
旂于葉榆耀甲于洱西譬猶駭鯨觸網奔兕開樊賈
林計盡不能為策墨翟帶解無以自守於是破之如
吹翰決之若潰壑剗田氏之首有何面目俘鍾相之
族并及幼穉彼自以為嚴營締壘則遠徼可延收殘
嬰漏則險裔足恃而不知

王師折衝天南豁闢大荒屏息一如卧榻寶林之煩枝
附金甌之鮮缺失祠兵振旅動輒有效一至于此今
夫頤指神攝往見機括上聖之明也善計遠畧審物
量勢周通之智也

皇上以幾先之見為馭遠之圖推心置腹長共功名第
有虎包戈載之心原無鳥盡弓藏之意但懷康侯授
館之忱終鮮釋將銜杯之念而乃捐棄休嘉自貽狂
悖不度德忖力揆理達務恃鬼蜮之能前忘

欽定四庫全書

西河集
卷一

四

天命之有在豈有淮南左吳之策而納隴西王元之計
曾無朱浮聚穀之奏而動賁赫陳兵之告不思朱鮪
指河之誓而失張繡降漢之賞此乃下愚不悛中風
自絕而猶謂柘南可以避天譴瀾滄可以滌穢行究
至韋臯渡鐵橋而南蕃已拔狄青出崑崙而儻猶盡
破何則悖逆之罪彰而鈇鉞之誅凜也且夫前代平
蠻多在奕世麓川南詔不隸版服今者

皇宇清寧聲教四訖東漸西被朔南蕩蕩九野有宴安

之娛八阿無拮抗之異越裳肅慎稽顙來王古里天
方蹶角入貢而百粵之尉佗既蔑西南之莊蹻復平
則是要綏流蔡山陬海澨苟在受化無不延頸歡呼
謳吟唱嘆矧職叨侍從親聞凱奏而不為之紀鴻功
誦顯績非其誼也因于康熙二十年十一月十有八
日

宣捷之次謹簪筆稽首忻抃舞蹈乃為之頌其辭曰
於赫

欽定四庫全書

西河集
卷一

五

帝命肇開

皇基德被四隩功垂九圍近畫埏海遠致狄韞武烈文
治恢于無涯亦粵

紹厯懋績前緒威足內救仁不外拒已歸馬牛將柙刀
鋸蠢爾小醜反視而忤初慕莊氏思王昆明繼隨杜叡
稱兵澧陵江漢南紀伏莽縱橫瘕犬漫噬枯條覲生遂
有朋狡效尤而起隴益輔車唇齒閩海譬昔河朔安史
田李次第標絕儼臂折指乃稟

王伐鋪敦楚疆驚鳥欲擊姑為翺翔昧者不察謂可頡
頡居然羊陸相持荆襄整長豈恃湖險莫傲涉擊夫差
水鹵魏豹不虞毒卉展轉剽盜敦固據郡桓乃竊號爰
整

六衛旋開三門金戈鐵馬蔚如雲屯淬刃澧浦積甲巴
山鏃鏑大注旂旒以翻有謂巫夔蜀漢門戶

廟策先勝策入其阻鄧艾既越姜維不武南走邛犍倖

以小堵頓撾銅鼓立渡鐵橋降旆草偃亡軍煙銷彈丸

欽定四庫全書

西河集
卷一

六

昌穀藉之周遭折箸環帶何足與豪彼營螺屑我關龍
首雉堞崩剝漸不可守

聖鑒朗卓如劍在手挺鉞措鐸勿使或後五壘既備九

拒遽希灌膏束草總不得支圍開一面詞令自疑樵蘇

俱盡于何奔馳前者少游羞悸而死今茲懷光亦復自

殺族屬少長皆俘于市盜驢之災乃及孫子聞之淮西

告捷錫帶華州露布傳彼光泰今者

皇威擴于無外天南萬里宣布德意言勒碑版爰銘旆

旌飭我九伐奠此庶邦泰華雙峙溟海四瀧千秋萬祀
以思戎功

聖恩頌 并序

康熙二十七年十月日恭遇

太皇太后上諡升

祔伏讀

恩詔深感我

皇上推恩之廣自

欽定四庫全書

西河集
卷一

七

親王

公主奉恩將軍固山格格以及民勲

國戚京

朝各省諸大臣俱有

寵賚中外文武大小各官俱有

貤錫然且祭告嶽瀆遍祀羣神宥過釋讐恤孤養老緩

成均之考隆憲乞之禮一切

恩卹備極優渥至于歷歲蠲租均霑九有今復免征兩

浙山右全省正供暨江南湖北諸大府租賦之外兼
及庸調此真曠古以來希有之鴻被也詩云孝子不
匱永錫爾類以云永錫則真永錫以云不匱則真不
匱矣微臣無狀調疴里門親蒙

浩蕩之恩上戴

如天之德歡忻抃舞可無頌言前者

聖孝格天遍傳下土曾偕諸里巷臣民競為詞賦以當

謠誦今

欽定四庫全書

西河集
卷一

八

鴻恩覃敷淪肌浹骨敢製

聖恩頌一章以續前烈匪云報獻亦以身備史職誼應

紀實將以使後之考德者可按焉爾其詞曰

翳昔天后龍盤鳳銜曰呈顯謚肇自漢闡光烈慈壽歷

代所占况兹

徽德無美不兼既具六輅久達四教居則端闈升乃

祔廟奉七所祈縮鬯以報致其精誠上展純孝乃因錫

類重為

推恩不翅漢文及民以親覃布廣遠開在

聖孫溥天之下誰非

皇仁始由親近加之賢勞諸侯伯子以祝以軌叢同匪用

瑞錦賚之英瑤內周蘭坂外暨塗椒晉莊分弓召虎拜

敕

誥翦五花茵覆十色三等百段同此

貶錫雙闕刺地

九陛如天木鳳銜紙金鷄戴竿黃氣大布青衣闐然覆

欽定四庫全書

西河集
卷一

九

盆可闕幽谷不寒爰念邊屯言懷堠戍春提羽戈夜挈

抱鼓輪臺是矜穀騎以撫澤共簞醪溫比續絮遂徧山

川馳祀嶽瀆並走羣望不愛牲玉沈燒瘞癰兼報先倣

堯禹祠陵帝王寢谷旁及先師優入聖域諸儒賜席博

土加衣旬省月試姑紆其期明倫憲乞饋食洗腆高年

重帛中壽二膳况當養老

國之大典四民無告於此並瞻至若租賦正供秩然中

夾庸算全通丁錢而乃

汜渡連歲釋蠲或全或半過于漢年更厯河汾深軫吳
越西近堡塞東接溟渤免爾常征并解襍役謂民維艱
予以全活甌餘曠土不藉宿麥石紐閒農但用烏稽大
禹胼胝虞舜黻黻黑抱如傷情緩躬稼力縣無置倉湖可
觀收補助之德先于巡遊則是

聖恩汪濊黻黻配地配天如江如海井里衢巷踴躍歡
喜擊壤鼓腹如古時事猶且南顧荆鄖江黃順流而下
極之丹陽會當洗兵如初沐瘍并

欽定四庫全書

西河集
卷一

十

錫嘉惠被此一方是使民氓解澤甦困僻戶窮壤誰不
感奮兒寬帶經老萊投畚凡有血氣願效尺寸况臣鯽
秒生于水鄉躬浹

霖霖身親

湛汪捐糜頂踵何以報將頃聞草樹甘露灑灑姚墟舜
鄉產麟于嶠

天德所施地靈悉效蕪詞不文匪敢輕譎但紀永錫以

彰

聖孝

欽定四庫全書

西河集
卷一

十一

西河集卷一

欽定四庫全書

西河集卷二

翰林院檢討毛奇齡撰

頌

聖德神功頌 有序

惟是

皇清嗣世撫育方夏東越溟海西薄柳谷南底于穿汗

而北極之莽畧無垠之地其在水居者雕額畫臂率

欽定四庫全書

西河集
卷二

為良民版畫其波濤而租其魚蛤其在甌脫居者大

幕以南皆保塞稱藩環嚮為屬國自是而外雖舟車

未到人力鮮達亦且仰

天地之恩昭

日月之信風聲遠播同量一器獨是瀾迤以西滂裸么

小若所稱厄魯特噶爾丹者倚恃荒昧託跡榛曠與

喀爾札薩脣交齒互不思睦隣卹族內奉約束而乃

自舍院陘頓駕夷陸侵陵我擁衛暴殄我藩服東西

爪揃罔顧禮義

皇帝不忍加誅屢飭以法俟其漸滌勿追風染乃復鼠

穴自大終致負固伏念

皇上曾駐蹕喜峰登臨慷慨賦黃土崖大石礮二詩以

宸翰書之巖間兼

諭侍臣謂是地皆前朝戍屯邊堠相望我

太祖

太宗創業宏遠夷夏一統致蒙古四十八部皆為臣僕

欽定四庫全書

西河集
卷二

朕每過此地未嘗不念

丕顯焉是挺紘萬里無非締造游豫所到猶厯

先烈其可令螽蟥肆喙蚤蚩鼓翅漸至如此夫無疆厯

服匪易嗣也

前人之光不可以遏且佚也况乎古昔聖賢經文緯武

雖揆奮有人亦復手秉白旄身挺鉞鐸以故黃帝親

戰于阪泉而文王北伐畎落躬承盧矢以彼神聖何

難命將出師高居深拱以操制勝而乃安不忘危勤

思勘亂忘萬乘之尊習三單之效哉誠以君不親將
皆叔世浮文而非古王愍戎之本意也是以

廟謨盈庭貴乎獨斷征伐之權出自

天子乃遂張皇六師大申克詰羣策不足撓衆諫不為
沮集虎賁而縣豹尾肆類于

上帝昭告

宗廟徧望諸山川百神禡牙而畿纛練日鑿門以恭行
天罰先遣撫邊大將軍由沙河抵塞尅期並進越歸化

欽定四庫全書

西河集
卷二

歷烏蘭河朔過其歸路以會大軍于幕北而

羽林欣飛從獨石同時出關師行三十里躡克勒諭蒿

齊涉敖漢越烏朱目秦凡蠻夷君長外藩諸部王可

汗貝勒貝子公台吉等先後會朝以壺漿簞食迎于

馬前其他北庭薦居去胡來王者悉環列跪道左觀

軍容不輟迺絕大幕進拖林調兵穀車餽使武剛冰

糒不絕于路雖鹵舄之地每乏泉水而靈源疏鑿所

在湓涌會飲馬川西忽得故明成祖勒銘紀功之石

于水厓灌而視之有永清沙漠之句

上曰真永清矣遂于中夏三日直擣其境犁其庭掃其
間烏逃鼠遂四竄之巴顏烏喇而西路之過其奔者
逆擊于昭木多鄂爾渾河之間以比干環盾大破其
勃盧之陣擒其子砲焚其妻孥追殺三十里斬首鹵
二千餘級生得數千人乞降者以日至鹵獲馬牛羊
驢羸駟鎗械仗無算乃大展

皇仁任其零騎數十人負創而奔而我士卒無離傷者

欽定四庫全書

西河集
卷二

皇帝乃駐蹕黑魯命河封拖諾之山禪之土喇遂班師
焉先是

禁旅初行時兩浙官民念七萃勞苦旗門遠闕不無宵
旰跋涉之艱乃宿衛纂嚴聽祕謚行間消息不洩
于外因晨夕引領北向以冀布凱驟傳管侍衛內大
臣暨大學士祇奉

諭旨而和碩康親王亦遂有啓請頒捷之奏流抄到浙
浙撫臣榜之通國官民大小皆歡抃踴躍男女聚族

轉相慶告遂于康熙三十五年六月十五日撫臣率

司道臣以下會將軍都統暨鄉官士民數萬人焚香

稽首賀捷于軍門旋請史館官詳敘

膚功頒示兩浙立石于東海之濱而以臣故職史官屬

抽筆作頌以俟載事臣伏思太輿誕大廣運靡極三

古至今亦惟視君國大小以為修陋是故功德大者

地亦大功德小則地亦小乃自五帝三王以後漢魏

迄今其歷國已一十七姓而大一統者亦復有幾即

欽定四庫全書

西河集
卷二

五

漢唐元明四代巍然式廓而唐以藩服僭處中致歉

損曾未有德高日域功益月增如

本朝者既已提封萬國奄有八極而

皇上復恢擴而張大之不憚躬親安攘以葆此遠塞一

時之勞萬世之利

聖德神功莫可紀計宜立石四裔以為我子孫億萬斯

年之法因不揣鄙陋謹擬為東海立石頌文以垂于

勿壞其文曰

粵自三古長此六服徑輪廣袤視功與德漢唐元明盡
有阨塞晉宋偏安比之列國惟我

皇清闢土浩濶西隴崦嵫東近日出雖復

繼世兼

創始謨再奪昆詔三開葉榆甫復東越旋收番禺聲暨

南服教訖海隅遂擴疆宇至于彭湖物皆安居民樂終

產恩肥土城澤溢胸衍綱紀百飭聰目四遠桐生本豫

禾偃能反浮苴以南並我保塞豈惟籬落原屬經界肯

欽定四庫全書

西河集
卷二

六

容小醜閭為蠱壤造謀籍兵作邊鄙害

皇仁有容論至于再是雖渺末漸不可長無庸受服徒

命將往

帝德神勇

聖世應朗藉此晏安習以鞅掌武丁南征王季西壤師

中丈人百國所仰豈如叔世高居稱朕不計大醜而縱

小蠹文法是崇兵革不祗諫即牽裾甚者割劓以致叢

脞或就削弱珠崖徒捐金墉已却蕭關燄火幾至宮闈

所以古王最重捷伐河魁二百太乙三千星門大闢雷
車隄牽銅斗獸警鐵騎蟬聯白澤遠導朱雀在前是以
初發雲興百萬繼且颺起如日斯旦箕張翼舒虎攫龍
戰小醜伏聽早鳥獸散因之番長遠近來謁飾彼玉具
賜以匹帛觀茲軍容相顧翁古道旁觀者莫不太息乃
轉車粟亦載駟鏹一鼓傳餐千軍共醪縱遇礮烏兼履
不毛畫地成井沿山生蒿壘若棋峙旂以電合九代既
齊三校咸發投石于林抽刃出柙觸甲鱗碎近輻瓦裂
欽定四庫全書

西河集
卷二

七

巖谷顯漏木柴僵落譬諸泰山不壓卵石崦土迸陷瀚
海圻竭何必聲罪歸曲直責以是摘莽任彼升陵帳絕
烏鳥士摧豕熊右衛聯校前軍折衝
廟堂之算乃在軍中爰度梓嶺轉破符離陳以橐它駕
之豺貌鹵其人畜俘厥子妻姦蹙尺寸堪此鋤夷遽收
因杆翻遇軍曲男悻遂影女孕墮殯潛山匿水相向而
哭受降之城何啻三築伊昔明祖親巡緣邊三犁王庭
至飲馬川勒石天山比之燕然一沈水厓一升山顛文

詞昭哲符讖不讐永清而已他何有焉獨是虞帝七旬
苗格高宗鬼方三年始克何如

神武指顧頃刻厯候三月恍騁八極祇我朔暨已及祝
栗蜚肱蟻肺奚足介棘惟茲方域九有以宏內備蕭勺
外必戎兵金錢勿闕玉燭以明自茲以後泰階昇平皇
皇八柱勒

功德銘萬方齊瞻四海永清

欽定四庫全書

西河集
卷二

八

西河集卷二

欽定四庫全書

西河集卷三

翰林院檢討毛奇齡撰

主客辭

擬為司賓答問辭

有序一作釋詞

康熙二十三年六字蕩滌中外無事

皇帝奮桓撥之烈廓清南徼迤及東溟畫地溟海之外
版漲籍渤凡九垓八裔雕身畫額諸國咸奉

欽定四庫全書

西河集卷三

辰朔

皇帝軫念民隱謂

君有斯土撫育幾三十年而不一周知其地觀覽其山
川風物則綏要萬里何自通浹惟古昔王者當天下
初定有巡行縣寓省方問俗之制自三代迄今未之
有改顧事頗煩重度支水衡坐費檢會且千乘萬騎
慮無或鋪張盛大為司行奔命按王制巡幸諸禮自
職方戒途太馭掌輶以後凡車騎鈴鸞宮城櫜極以

及壇壝堂房珪璧玉帛黃駒赤犢皆有儲峙然且句
陳五校所在警蹕扈壘衛仗周環百里嘗考文中子
言虞舜一歲而巡五岳國不費民不勞者何也以兵
衛少而徵求寡也然而語不古合民無徵焉我

皇上以非常之原創非常之舉因天事天因地事地因
人順人然而三王不並軌五帝不襲治考建因革而
禮制行乎其間蓋一人順動萬人幸之之謂幸一人
慶行萬人豫之之謂豫如必造明堂而後可以覲后

欽定四庫全書

西河集卷三

則輯瑞何期必設輜軒而後可以採風則觀方何待
皇上納羣臣所言特練時日倡舉

巡幸減從官省行軍採大禹四載之需折虞廷五年之
典隨不逾萬人時不滿百日登岱觀河浮江涉淮經
閭闔詣闕里所至問民疾苦父老扶杖兒童婦女率
負戴來觀

鹵簿不譙有高年者則抵錢慰勞之先為
肆赦令薄海內外咸霑

豐恩及所過州縣民廬市廬又皆有

捐復寵賚芸鉏不變鎌穫如故市估行販及道路師旅
駒羸楫筏儼返家街何其盛也昔東漢光武巡游南
陽置酒高會召吏人飲食復其租賦以為美事而章
帝南巡詔所經地無得設儲胥命司空自架橋道其
詔有云方春所過無有伐殺車可以引避引避之駢
馬可輟解輟解之至今史載猶嘆誦其言勿衰今
車駕經行屏却供億州縣

欽定四庫全書

西河集
卷三

三

起居悉絕所餽獻即

行在茨止亦竝無宮懸籥仗鐘鼓鈴櫜之設而民之引
領望

幸者相屬于道然猶

親視河溢立灑

宸翰殷憂悼嘆不數瓠子即當釋奠宣聖儀物備至臨
行惓惓尚復貽曲柄

御繖以申向慕此雖金繩再出必紕帝佑為封禪起周

成為巡狩亦豈有過誠恐諸儒不諳動循掌故將引
虞書王制覲典祭義以及元嘉之儀開元之禮重相
諮詢因設主客往復倣東方客難揚雄解嘲班固答
賓戲夏侯湛抵疑之文擬為司賓答問辭以曉譬之
庶後之君子可考觀焉其辭曰

司賓大夫與四方客使集王會之堂理職貢之事主當
壹是國信方物披圖眴節悉具紀會方斯之時華蟲各
辨等弁越皆就位四方客使有詞于其列者曰古者聖

欽定四庫全書

西河集
卷三

四

王御世四海晏然則因而巡狩巡者循也民可循則因
而巡之狩者守也為我守土者吾從而循順之然而動
習矩錯著有法則曩時五載十二載天道大備升中告
至先為造類于是修職有其戒犯較有其義土訓夾車
而問彤掌道審言以詔辟定方明于司盟布綿蕝而表
位夫第以壇壝觀之三垓八通太乙環五穿蒲藁草上
無風雨然且明堂歸然以天齊主就其文而紀其事則
公男升降中階阼階有其等后王遜讓天揖時揖有其